

Broj: 1081-13/17

Datum: 09.03.2017. godine

Na osnovu člana 64. stav 1. tačka a), člana 70. stavovi 1., 3. i 6. Zakona o javnim nabavkama (Sl. Glasnik BiH broj: 39/14), člana 8. stav 2. tačka d) Pravilnika o uspostavljanju i radu Komisije za nabavke (Sl. Glasnik BiH broj: 103/14), i člana 27. Statuta Javne ustanove Opća bolnica „Prim. dr. Abdulah Nakaš“, na Preporuku Komisije za nabavku broj: 1081-11/17 od 09.03.2017. godine, u postupku javne nabavke usluga – **Advokatske usluge**, direktor Javne ustanove Opća bolnica „Prim. dr. Abdulah Nakaš“, je donio

### **ODLUKU** **o izboru najpovoljnijeg ponuđača**

#### **Član 1.**

**Prihvata se Preporuka Komisije za nabavku**, broj: 1081-11/17 od 09.03.2017. godine i Ugovor za javnu nabavku usluga – **Advokatske usluge**, dodjeljuje se **ponuđaču Advokat Rasmira Brkić - Čerkez**, ponuda br. 01/2017, dostavljena dana **28.02.2017. godine**, za ponuđenu cijenu od **15.000,00 KM**, kao najpovoljnijem ponuđaču. Ponuđač nije u sistemu PDV-a.

#### **Član 2.**

Izabrani ponuđač se oslobađa obaveze dostavljanja originala ili ovjerene kopije dokumentacije iz člana 45. i 47. Zakona o javnim nabavkama iz razloga što je iste dostavio uz ponudu.

#### **Član 3.**

Prijedlog Ugovora o nabavci dostaviće se na potpis izabranom ponuđaču nakon isteka roka od 15 dana, računajući od dana kada su svi ponuđači obaviješteni o izboru najpovoljnije ponude.

#### **Član 4.**

Ova Odluka objaviće se na internet stranici Javne ustanove Opća bolnica „Prim. dr. Abdulah Nakaš“ ([www.obs.ba](http://www.obs.ba)), istovremeno sa upućivanjem ponuđačima koji su učestvovali u postupku javne nabavke, u skladu sa članom 70. stav. 6. Zakona o javnim nabavkama.

#### **Član 5.**

Ova Odluka stupa na snagu danom donošenja, i dostavlja se svim ponuđačima koji su učestvovali i postupku javne nabavke, u skladu sa članom 71. stav 2. Zakona o javnim nabavkama.



### Obrazloženje

Postupak javne nabavke pokrenut je Odlukom o pokretanju postupka javne nabavke broj: **1081-2/17 od 09.02.2017. godine.**

Javna nabavka je sprovedena na osnovu konkurentskog zahtjeva za dostavu ponuda. Procijenjena vrijednost javne nabavke bez PDV-a je cca **40.000,00 KM.**

Obavještenje o nabavci broj: **1125-7-2-24-3-3/17**, poslato je na objavljivanje dana **10.02.2017. godine**, a objavljeno je na Portalu javnih nabavki dana **10.02.2017. godine**, Obavještenje o nabavci objavljeno je u Sl. Glasniku BiH broj: **11/17 od 17.02.2017. godine.**

Komisija za nabavku, imenovana je Rješenjem broj: **1081-3/17 od 09.02.2017. godine.**

Komisija za javnu nabavku dostavila je direktoru Javne ustanove Opća bolnica „Prim. dr. Abdulah Nakaš“ Zapisnik o pregledu i ocjeni ponuda broj: **1081-10/17 od 08.03.2017. godine**, Preporuku o izboru najpovoljnijeg ponuđača broj: **1081-11/17 od 09.03.2017. godine** i Izvještaj o radu broj: **1081-12/17 od 09.03.2017. godine**, u postupku javne nabavke usluga: **Advokatske usluge.**

U postupku po Izvještaju o radu je utvrđeno da je Komisija za nabavku blagovremeno i pravilno izvršila otvaranje, pregled i ocjenu prispjelih ponuda, o čemu je sačinila odgovarajuće zapisnike, u kojima je utvrđeno slijedeće:

- da je u predmetnom postupku primljeno 2 ponude,
- da je blagovremeno primljeno 2 ponude,

- da je ponuda ponuđača **Advokata Rasmire Brkić - Čerkez**, kvalifikovana i prihvatljiva, dostavljeni su svi traženi dokazi propisani tenderskom dokumentacijom, na propisan način.

- da ponuda ponuđača **Advokata Sadika Hote** nije kvalifikovana i nije prihvatljiva iz sljedećih razloga:

Ponuđač **Advokat Sadik Hota** u skladu sa tačkom 9.4. Preuzimanje tenderske dokumentacije nije preuzeo tendersku dokumentaciju sa Portala javnih nabavki a što je naznačeno na strani 18. Tenderske dokumentacije.

U skladu sa članom 9. stav (4) Uputstva o uslovima i načinu objavljivanja obavještenja i dostavljanja izvještaja u postupcima javnih nabavki u informacionom sistemu „E-nabavke“ („Službeni glasnik BiH“ broj 90/14 i 53/15) izričito se navodi da ako ugovorni organ objavi tendersku dokumentaciju u sistemu „E-nabavke“, tenderska dokumentacija se ne može dostavljati na druge načine predviđene članom 55. stav (1) tačka a) do c) Zakona o javnim nabavkama („Službeni glasnik BiH“ broj 39/14).

Sistem „E-nabavke“ je razvijen u skladu sa Zakonom i podzakonskim aktima, te u skladu s tim postoje određene validacije. Naime, u situaciji kada je tenderska dokumentacija objavljena na Portalu javnih nabavki i kada ugovorni organ objavljuje obavještenja o dodjeli ugovora,



dostavlja izvještaj, tada sistem omogućava odabir samo onih ponuđača koje je sam sistem evidentirao kao ponuđače koji su preuzeli tenderske dokumentacije na portalu.

**Da bi učestvovao u postupku javne nabavke za koji je tenderska dokumentacija objavljena na Portalu javnih nabavki nije dovoljno da ponuđač bude registrovan i aktivan, već i da direktno preuzme tendersku dokumentaciju za konkretni postupak.**

Prilikom otvaranja ponuda i uvida u Izvještaj o preuzimanju tenderske dokumentacije od strane ponuđača, Komisija je konstatovala da ponuđač Advokat Sadik Hota, nije preuzeo tendersku dokumentaciju sa Portala javnih nabavki. Obzirom da je imenovani prisustvovao javnom otvaranju ponuda dana 28.02.2017. godine, njegova ponuda je otvorena i pročitana, ali ista nije uzeta u dalje razmatranje zbog gore navedenih razloga.

Zbog svega gore navedenog ponuda ponuđača **Advokata Sadika Hote** se u skladu sa članom 68. stav 4. tačka j). Zakona o javnim nabavkama („Službeni glasnik BiH“ broj 39/14) odbacuje jer ponuđač nije preuzeo tendersku dokumentaciju sa Portala javnih nabavki (drugi opravdani slučajevi).

U postupku donošenja ove Odluke, posebno su cijenjene činjenice da je Komisija, pravilno i potpuno, izvršila ocjenu kvalifikovanosti ponuđača te pregled i ocjenu ponuda, u skladu sa kriterijumima iz Tenderske dokumentacije.

U postupku ocjene provedenog postupka, direktor Javne ustanove Opća bolnica „Prim. dr. Abdulah Nakaš“ nije našao razloge, nepravilnosti niti propuste u radu, koji bi eventualno bili osnov za neprihvatanje Preporuke Komisije za nabavku.

Naime, u postupku je ocijenjeno da je Komisija u svemu pravilno postupila te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima i Tenderskim dokumentom. Uvidom u priloženu dokumentaciju, nesporno je da je izabrani ponuđač **Advokat Rusmira Brkić - Čerkez** najbolje ocijenjena zbog: **ekonomski najpovoljnije ponude kako slijedi:**

Naziv ponuđača		KRITERIJ: Ekonomski najpovoljnija ponuda (prema utvrđenim podkriterijima)			UKUPAN BROJ BODOVA
		Cijena ponude (20 bodova)	Uslovi, rok i način plaćanja (30 bodova)	Pružanje pravnih savjeta bez naknade iskazano u satima (50 bodova)	
1.	Advokat Rusmira Brkić Čerkez	15.000,00 KM	90 dana	do 50 sati na godišnjem nivou	100 bodova

Izabrani ponuđač je izabran primjenjujući kriterij: Ekonomski najpovoljnija ponuda.

Iz navedenih razloga, primjenom člana 64. stav 1. tačka a) Zakona o javnim nabavkama, člana 70. stavovi 1., 3. i 6. Zakona o javnim nabavkama („Sl. glasnik BiH“ broj: 39/14), člana 8. stav 2. tačke d) i f) Pravilnika o uspostavljanju i radu Komisije za nabavke („Sl. glasnik BiH“ broj: 103/14) i člana 27. Statuta Javne ustanove Opća bolnica „Prim. dr. Abdulah Nakaš“, odlučeno je kao u članu 1. ove Odluke.

#### **POUKA O PRAVNOM LIJEKU:**

Protiv ove Odluke može se izjaviti žalba, najkasnije u roku od 5 (pet) dana od dana prijema ove Odluke.

Žalba se izjavljuje Kancelariji za razmatranje žalbi Bosne i Hercegovine, putem ugovornog organa u pisanoj formi direktno ili preporučenom poštanskom pošiljkom na adresu:

**Javna ustanova Opća bolnica „Prim. dr. Abdulah Nakaš“, Kranjčevićeva broj 12, Sarajevo.**

Žalba se podnosi u najmanje 3 (tri) primjerka.

PRIPREMILA:

Amira Petrović, BA općeg prava  
Referent za pravne poslove

KONTROLISALA:

Sadeta Hrustemović, dipl. iur.  
Kordinatorator za javne nabavke



**DIREKTOR**

**Prim. dr. Zlatko Kravić**

*Zlatko Kravić*

#### **Dostaviti:**

- Ponuđaču: **Advokat Rusmira Brkić Čerkez**
- Ponuđaču: **Advokat Sadik Hota**
- Odjeljenje za pravne, kadrovske i opće poslove
- Odjeljenje za ekonomsko-finansijske poslove
- Komisiji za javne nabavke
- a/a